

癸巳存稿卷十三

三品至大一品則史式對爵祿五常示黜俞正燮理初

其劉張天師舊事

晉書何充傳云時郗愔及弟曇奉天師道南史沈僧昭傳云僧昭另名法朗少事天師道士魏書釋老志云寇謙之遇大神太上老君曰自天師張陵去世以來無所師授吾故來觀授汝天師之位則天師之號其來已久三國志張魯傳云自號師君以祭酒領部眾多者爲治頭大祭酒其弟衛敗於陽平關魯奔入巴中太祖遣人慰諭魯盡將家出是天師之名由師君得之水經沔水注云瀘水南逕張魯治東其西有張天師堂於今民事之所謂天師者指道陵女仙傳云孫夫人三天法師張道陵之妻也自龍虎山居陽平化子衡字靈真孫魯字公祺世號嗣師

太平廣記載傳仙錄云張玉蘭者天師孫靈真女也隋書經籍志史部雜傳有正一真人三天法師張君內傳一卷唐志亦有之云王萇撰唐天寶中封太師冊府元龜天寶七載三月詔亦稱後漢張天師唐時稱三天輔教大法師老學庵筆記云天聖八年賜張天師二十五世孫乾曜虛靜先生號蠲賦稅又云大邑鶴鳴觀乃張天師鶴鳴化夷堅戊集云徽宗詔虛靜張天師治同州白蛇虛靜爲漢天師三十代孫宋人言天師子孫世次不同今黃冠輩稱虛靜爲三十二世蓋或就張子房計之或就張輔漢道陵計之夷堅志云虛靜不娶嫡派遂絕今以族人紹其後元時封爲嗣漢天師有道教碑史亦有傳至元三品大德二品至大一品明史方伎傳云張正常元時天師洪武元年太祖曰天有師乎改授正一嗣教真人視二品按王世貞弇州史

料云洪武中封張正常爲正一教主嗣漢四十二代天師後定爲正一嗣教真人正二品蓋初尙沿元號何喬遠名山藏云成化五年四十六代真人張元吉犯罪擬絕蔭封明史方伎傳云穆宗初改上清觀提點秩五品給銅印萬_曆五年復古封江旭奇皇明通紀云隆慶二年停正一真人封授上清觀提點弇州史料云隆慶中改上清觀提點萬_曆中復真人號然真人提點由於官授民間稱天師自若也順治三年江西撫臣進正一真人符四十張得

旨朝廷一用天下必至效尤其置之乾隆十二年改二品爲五品停朝覲筵宴收繳銀印三十一年以請雨升三品五十四年令五年一次至京嘉慶九年換給三品印二十四年仍定爲五品道光初停朝覲其印則明鄭曉今言云洪武十三年於真人

銀印外賜以六品銅印曰龍虎山正一元壇之印以印符籙沈
德符野獲編云孝宗時給陽平治都功玉印穆宗時收之孫承
澤春明夢餘錄云宏治時賜陽平治都功印刻以玉蓋張道陵
舊印如此隆慶元年追回萬曆二年復給之今符籙及醮壇榜
文皆用都功印按能改齋漫錄云宋仁宗時有安福令林績與
立朱子語畧作南劍太守林績毀天師三十三代嗣孫宗陽平治都公印字作
公夢溪筆談謂之都工字作工云修醮都工薄有施利今實作
都功蓋治頭之義其冠以陽平治則女仙傳言之輔漢靈真公
期三世所居也

道士官

道士官正六品爲正一從六品爲演法正八品爲至靈從八品
爲至義從九品爲都紀其以府分者爲副都紀州爲道正縣爲

道會皆未入流龍虎山正一真人舊爲一品後爲五品康熙二十二年給誥命

論云一切僧道原不可過於優崇若一時優崇日後漸加縱肆或別致妄爲爾等識之

符咒

太平御覽載黃帝出軍訣

七百三十六

有龍魚河圖二符太平廣記

載神仙傳老子以太元清生符與徐甲魏書王早傳授東莞趙氏一符擒得鄭氏男北齊書吳遵世傳云恆山老翁謂之曰與君開心符遵世跪取吞之符者漢時有印文書名道家襲之黃老書乃漢人述也淮南本經訓云審於符者怪物不能惑是守一之文言非指符籙又道家咒語亦漢式雲麓漫鈔云急急如律令漢公移常語張天師漢人故承用之道家遂得祖述野客

叢書云此沿漢式如今言文書千里驛行其言至通符是漢名如律令亦是漢文今道藏書言律令雷部神名性疾速此與僧說羅刹同一陋謬

神荼鬱律

風俗通引黃帝書神荼鬱律兄弟二人性能執鬼居度朔山桃樹下引此言者甚多或以爲黃帝書或以爲山海經荼或作蔡律或作壘義雖太古亦經淺人附會漢蔡邕獨斷云歲竟畫荼壘并懸葦索以禦凶晉司馬彪續漢書禮儀志云大儺訖設桃梗鬱儡是專有荼壘或鬱儡一桃木人而不云神荼神蔡晉葛洪枕中書云元都大真王言蔡鬱壘爲東方鬼帝語雖不可據然可知漢魏晉道士相傳神蔡鬱壘止是一神姓蔡名鬱壘漢時宮廷禮制亦以爲一人而通儒及漢時道家黃帝書皆以爲

二人乃知古禮制古儒說古道說各不相喻也審究其義神茶鬱律由桃椎展轉生故事耳

屏翳

屏翳風師也楚辭天問云竢號起雨王逸注云屏翳雨師名司馬相如大人賦云召屏翳誅風伯刑雨師下又有列缺豐隆則相如以屏翳爲雲師曹植洛神賦云屏翳收風川后靜波詰咎文云河伯典澤屏翳司風選注云曹指爲風師選注又引虞喜志林云屏翳韋昭說爲雷師喜則以爲雨師說屏翳者雖多並無明據今案屏翳似雲而號則爲風楚詞注蓋誤字韋昭知掌故以爲雷師因號生義而不知竢號自應爲風師天問亦言風號乃起雨也

中元施食

中元施食本道家法藝文類聚道經云中元日作元都大會於
玉京山采諸花果珍奇異物幢幡寶蓋十方大聖齊詠靈篇囚
徒餓鬼俱飽滿免於眾苦得還人中此如富人樂善好施不必
循古法其用七月十五日則道家中元之會也而佛家學之藝
文類聚初學記白帖歲華紀麗並引孟蘭經云目連救母母不
得食馳還白佛佛言須十方眾僧威神之力七月十五日具百
味五果著盆中供養大德佛敕眾僧僧皆爲施主咒願云云後
人遂爲華飾刻木割竹飴蠟剪綵摹花果之形極工巧之妙今
檢釋藏中有晉竺法護譯佛說孟蘭盆經云七月十五日僧自
恣時又云七月十五日佛歡喜日僧自恣日以飲食安孟蘭盆
中又云年年七月十五日作孟蘭盆施佛及僧按唐元應一切
經音義云正言烏藍婆那此言倒懸則單字還音可爲烏藍婆

亦云烏拉綳亦云孟蘭盆亦云伊拉綳何爲以盆著花果又以盆施佛僧又佛地自有月法日法當是第五月之末一日不得云七月十五日若佛正言七月十五日則是中國之八月晦日故知佛用道家中元是僧徒爭分中元之利者爲之也太平廣記載異聞記云唐天寶時任昇之與鄭欽悅

唐書儒學列傳作郭

言梁大

同四年七月十二日得銘其祖昉數日遇孟蘭大會從駕同泰寺則梁時依法護說用七月十五日唐六典中尙署七月十五日進孟蘭盆武后於七月十五日內出一盆楊炯賦云陳法供飾孟蘭青蓮吐而非夏蘋果搖而不寒銅鐵鉛錫球琳瑯珎映以甘泉之玉樹冠以承露之金盤又其旁爲少君王子玉女瑤姬鸛鵲鸞鷟鷗雞翡翠毒龍狂象罔兩魑魅赤霞蓮花之飾綺麗可知矣舊唐書王縉傳云代宗七月望日宮中造孟蘭盆綴

飾鏤珮設高祖以下七聖位冊府元龜崇釋教云大厯三年七月特賜章敬寺孟蘭盆蓋爲盆而從以鰲山之類作佛事者惟此最有實益然是展轉得自道家者也宋孟元老東京夢華錄云中元賣冥器綵衣以竹斫三腳如燈窩狀亦謂孟蘭盆挂冥錢衣服於上焚之陸游老學庵筆記云故鄉七月望俗具素饌祀先織竹如盆盎狀貯紙錢承以竹焚之視盆倒所向北則冬寒南則溫東西則得中謂之孟蘭盆此則仿佛法爲之與施食無涉尋釋氏之說餓鬼名面然又名燄口言餓則飢燄出於口而面若然也又言面然爲觀世音變相故有孟蘭觀音譌爲魚籃觀音而又別爲魚籃觀音造一典故今行六有唐實叉難陀譯佛說救面然餓鬼陀羅尼神咒經一卷淵二有唐不空譯佛說救燄口餓鬼陀羅尼經一卷淵十二有瑜珈集要燄口施食

阿彌陀緣由一卷又有後漢譯鬼問目連經佛說報恩奉盆經
不知妄作止以爭利又有甘露僧造蒙山施食儀

佛說行嫁年駁義

雜阿含經云昔者人壽八萬四千歲人有九種病九病者年老
女人年五百歲爾乃行嫁晉譯佛說彌勒來時經東晉譯佛說
古來時世經姚秦譯彌勒成佛經唐譯彌勒下生成佛經並云
佛言當來之世人當長命壽八萬歲女人五百歲乃行嫁耳晉
譯舍衛國王夢見十事經無蘭譯國王不梨先泥十夢經並云
王夢見十事有小樹生實佛言後世女人年少當行抱子長阿
含經云劫轉減人乃至十歲女生五月皆已行嫁按古人長壽
儒亦言之然素問止言百二十歲其言實正王充論衡齊世云
如以上世人民侗長佼好堅強老壽下世反此則天地初立始

爲人時長皆如防風之君色如宋朝壽如彭祖乎從今千世之後人皆長如莢英色如嫫母壽如朝生乎知其時尙無十萬八千歲三萬六千歲之說自張道陵于吉皇甫謐等妄造故實佛徒亦和之宋邵雍於道藏飫聞其說所謂前編外紀儒亦多誣以論衡證之豈得謂之道古之彥乎

喇嘛

黃教喇嘛多不循謹天聰七年令喇嘛班第出居城外清靜之所旗民人等有請念梵經治病者家主治罪崇德元年三月諭曰喇嘛等潛肆姦貪直妄人耳蒙古等深信其懺悔超生等語致有懸轉輪結布幡之事嗣後宜俱禁止康熙時以鄂爾多斯喇嘛肆詐有

詔窮治捕之發內地爲奴又以喇嘛匿盜著令坐罪康熙三十

九年三月

諭曰蒙古惟信喇嘛一切不顧此風亟宜變易倘喇嘛有犯法者卽按律治罪俾知懲戒雍正二年刑部議五臺山喇嘛索納木巴丹強姦民人杜青雲妻王氏王氏持刀詈拒至夜忿極自縊王氏建坊入祠喇嘛比光棍爲首例斬立決著爲令時又以喇嘛欺誑蒙古

命各扎薩克逐之又毀西甯二大黃寺乾隆時衛藏濟仲喇嘛妄言誤邊事剝黃正法嘉慶十二年達賴喇嘛羅卜藏的列科派糧物逼死莊頭鄭國泰一家二命復主使鄭珂捏詞具控奉旨剝黃斥革

國家之御黃教如此張文端鵬翮使俄羅斯行程錄云康熙二十七年六月二十七日於喀爾喀地遇番僧言至中國訪佛不

見聞西藏達賴喇嘛似之及往見又非也此番僧甚慧時達賴於數有所避不出世其事康熙三十二年始發

尼庵議

黟迎靄門外建書院當碧山之陽十里曰碧陽書院舊有尼庵值書院西南邑人欲爲遷之難其地不果則爲議以告尼一曰尼庵宜祀本師憍曇彌耶輸陀羅淨檢道馨淨秀及當庵開山師不當祀佛也西域記秣吐羅國苾芻尼供養阿難佛國記中天竺比丘尼多供養阿難塔以阿難請世尊聽女人出家故此非佛及阿難本意亦非尼奉師法也佛本行集經姨母養育品云摩訶波闍波提是童子正眞姨母釋迦譜云爾時太子姨母摩訶波闍波提乳養太子梁僧寶唱經律異相云摩訶波闍波提梁言大愛道隋本行經注云隋言大慧唐僧元應一切

經音義云瞿夷或曰喬曇彌或曰喬達彌此言明女按瞿夷亦曰瞿多彌或曰喬達摩佛第二妃也此大愛道正當作喬曇彌佛母之妹國王之次妃本行集經亦謂之國太夫人其命名與瞿夷同取明女明慧好道諸經多譯爲大愛道佛本行集經剃髮染衣品云第二妃瞿夷聖女宛轉大哭時喬曇彌亦然羅睺羅因緣品云喬曇彌爲世尊出家啼哭壞眼此或疑是瞿夷妃事然大愛道於佛恩義至深佛說瞿曇彌記果經云瞿曇彌欲出家三爲世尊所制阿難爲白世尊世尊言女人若出家佛法不得久存中本起經亦云大愛道求出家至三世尊不聽又追至河上阿難爲請是喬曇彌出家因緣最難而尼僧之興實由之因而佛妃耶輸陀羅亦出家妙法蓮華經序品云羅睺羅母耶輸陀羅比丘尼亦與眷屬俱則明著比丘尼之稱瞿夷之事

掩於大愛道阿難有妹亦出家作比丘尼見法苑珠林引分別
功德論云迦葉訶阿難爲小兒其妹甚嫌之而不出其名西域
女人出家畧可指名者佛本行集經有跋陀羅卑黎耶夫婦出
家生經有優鉢羅華比丘尼有暴志比丘尼賢愚因緣經有
蘭比丘尼微妙比丘尼叔離比丘尼金光明比丘尼百緣經有
寶光比丘尼孫陀利比丘尼淨衣比丘尼須漫比丘尼善愛比
邱尼青蓮華比丘尼楞嚴經有寶蓮香比丘尼金紫光比丘尼
又言淫女摩登伽今名性比丘尼雜寶藏經有石室比丘尼福
田經佛座中一比邱尼名曰柰女佛說大灌頂神咒有修陀利
比丘尼增一阿含經有輸盧比丘尼君荼羅比丘尼波陀比丘
尼中阿含經有法樂比丘尼皆在許大愛道出家之後佛本行
集經耶輸陀因緣品云波羅柰城長者善覺子名耶輸陀忉利

天子降胎也佛國最初成優婆夷者耶輸陀母及婦精進苦行

品云軍將女難陀

喜也

願作聲聞弟子佛言如是婆羅力也亦言佛

亦許之乞食得善女須闍多

善生

布施願作聲聞弟子菩薩言當

如所願則又優婆夷聲聞弟子之別也迨尼法立則有佛說五
苦草句經云佛告諸弟子善男子善女人汝已出家佛本行集
經轉妙法輪品云善男子善女人捨家出家晉譯生經佛說夫
婦經云一时有清信士其婦數數欲出家爲比丘尼壻便聽之

證得羅漢佛說義足經子父共會品云諸釋女人亦復聚會俱
到佛所是其時出家者俱領於大愛道佛母泥洹經云大愛道
闍維畢佛擎舍利鉢曰母能拔興丈夫敕令興廟供養增一阿
含經云比丘尼中最初得道者大愛道尼最後得道者陀羅俱
夷國尼佛說大愛道般涅槃經云五百比丘尼俱是阿羅漢又